

una videlicet Sancti Nicolai, altera vero Sanctae Mariae vacationi minime subiectae, nec in titulum perpetui Beneficii Ecclesiastici erectae, aut conferri solite reperiantur. Ipsarum autem Ecclesiarum onera per Presbyterum ab Ordinario loci approbatum, exerceri soleant, earumque fructus, redditus, & proventus annui etiam ex anniversariis, & Missis provenientes in communem massam redacti, & ut vocant mortui, inter pro tempore existentes Presbyteros, & Clericos dicti Oppidi, eisdem Ecclesiis deservientes, & ad ipsos fructus pro tempore admissos distribuuntur. Si dicta Ecclesia Sancti Nicolai in suis structuris, & edificiis ampla, & bene instructa in Collegiatam Ecclesiam cum Mensa Capitulari, Arca, Sigillo, aliisque Collegialibus Insignibus, & in ea tres Dignitates, & undecim Canonicatus, totidemque Praebendae, quatuor Hebdomadariae Curatae, & duo perpetua simplicia Beneficia Ecclesiastica, nec non in praefata Ecclesia Sanctae Mariae duae perpetuae Vicariae perpetuo erigerentur, & instituerentur, ac Ecclesia Sancti Nicolai ipsa Ecclesia Sanctae Mariae, Mensae autem Capitulari, Dignitatibus, Canonicatibus, Praebendis, Hebdomadariis, & Beneficiis sic erigendis praefatis pro sua dote, & illa pro tempore obtinentium sustentatione, onerumque eis incumbentium supportatione, ultra annuos redditus mille librarum, seu aliam summam totidem scutorum monetae illarum partium constituentium, ad id per Praefectum Iustitiae, & Juratos, & Syndicum praefatos perpetuo, & irrevocabiliter donatos, & assignatos unum, seu una, quod, seu quam Iosephus Guerra, & aliud, seu alia, quod, seu quam Melchior Ipnuter, aliudque, seu alia, quod, seu quam Ioannes Trevivio in Sanctae Mariae, ac aliud, seu alia, quod, seu quam, Hieronymus Bernat, & reliquum, seu reliquam, quod, seu quam Petrus Muler Clerici dilecti filii respective obtinent praestimonia, seu praestimoniales portiones, aut perpetua simplicia Beneficia Ecclesiastica, nec non una sub Sanctissimi Crucifixi, ac alia sub Sanctae Luciae, ac alia sub Sancti Hieronymi in Sancti Nicolai, aliaque sub Sancti Michaelis, & alia sub Sancti Blasii, ac alia sub Sancti Antonii de Padua nuncupati invocationibus in Sanctae Mariae praefatis, quorum omnium, dum pro tempore vacant, collatio, provisio, & omnimoda alia dispositio ad pro tempore existentem Episcopum Oriolen, cessantibus reservationibus, & affectionibus Apostolicis, asseritur pertinere, & quae de Iurepatronatus Praefecti, ac Juratorum, & Syndici praefatorum ex fundatione, vel dotatione existunt, reliqua perpetue sine Cura Cappellaniae in S. Joannis Loci ejusdem S. Joannis dictae Diocesis Ecclesiis ex nunc, pro ut ex tunc, postquam vacaverint, etiam perpetuo unirentur, annecterentur, & incorporarentur, nec non Praefecto, ac Juratis, & Sindico praefatis nunc, & pro tempore existentibus Iurepatronatus, & praesentandi Ordinario Loci personas idoneas ad duas ex dignitatibus, ac sex

\* Sic.

ex Canonicatibus, & Praebendis hujusmodi similiter perpetuo reservaretur, & concederetur, aliaque infra scripta fierent, & ordinarerentur, ex hoc ut divinus cultus magnum inibi susciperet incrementum, ac ejusdem Oppidi decori, & venerationi, illiusque Populi salutis, & spirituali consolationi, non modice consuleretur, ac etiam Cura Animarum Parochianorum in Sancti Nicolai, & S. Mariae Ecclesiis praefatis melius exerceretur.

§. 2. Quare pro parte tam Praefecti, ac Juratorum, & Syndici, quam dilectorum in Christo filiorum Cleri, & Communitatis Patronorum praefatorum asserentium praestimoniorum, seu portionum, aut Beneficiorum octingentorum, Cappellaniarum vero hujusmodi, & illis forsitan annexorum octuaginta Ducatorum auri de Camera fructus, redditus, & proventus secundum communem estimationem valorem annum non excedere Nobis fuit humiliter supplicatum, ut praemissis, & aliis infra scriptis benigne annuere, ac alias desuper opportune providere de benignitate Apostolica dignaremur.

§. 3. Nos igitur, qui dudum inter alia volumus, quod petentes Beneficia Ecclesiastica aliis uniri tenerentur exprimere verum annum valorem fructuum etiam beneficium, cui aliud uniri peteretur, alioquin unio non valeret, quique Ecclesiarum omnium decorem, ac earum in melius directionem, divinique cultus, ac Beneficiorum, & Ministrorum Ecclesiasticorum incrementum sinceris desideramus affectibus, Praefectum, ac Juratos, & Syndicum praefatos, eorumque, nec non Cleri, ac Communitatis hujusmodi singulares personas a quibusvis excommunicationis &c. censentes, hujusmodi supplicationibus inclinari, discretioni tuae per &c. mandamus, quatenus vocatis, qui fuerint vocandi, si & postquam de praemissis Nobis expositis Tibi legitime confiterit, ac Praefectus, Jurati, & Syndicus praefati redditus annuos etiam perpetuos insimul ad summam mille scutorum dictae monetae ascendentes de suis propriis, ac per eos acquisitis bonis, & facultatibus ad effectum praefatum perpetuo donaverint, & assignaverint, nec alias, aliter, nec alio modo praefatam Ecclesiam S. Nicolai in Collegiatam cum Mensa Capitulari, Sigillo, Arca, & Capsa communibus, aliisque Collegialibus insignibus, ac in ea unum Decanatum Dignitatem principalem pro uno Decano Magistro in Theologia, vel Decretorum Doctore, qui inibi caput existat, & tam in Choro, quam in Capitulo, Processionibus, & aliis actibus dictae Collegiae Ecclesiae praest, primumque locum, & vocem habeat, ac unam Cantoriam, quae secunda, pro uno Cantore, qui Officium Cleri regat, & absente Decano inibi etiam praest, unamque Sacristiam, quae tertia Dignitates existant, pro uno Sacrista, qui rerum, & suppellectilium in Sacristia ipsius Collegiae pro tempore existentium curam gerat, & eorum omnium, quae sibi, & sine Cura commissa fuerint rationem Ordinario Loci reddere, teneatur, ac Undecim Canonicatus, & totidem

Praefecti, & Syndici prece pro erectione & unionis, de quibus in Rubrica.

Commissio Oriolen, Episcopo erigendi, & uniendo, &c.

\* Sic.

tidem

tidem Praebendae pro undecim Canonicis, qui omnes simul cum Decano, Cantore, & Sacrista praefatis Capitulum Collegiate Ecclesiae hujusmodi constituant, ac quatuor Hebdomadarias Curatas, in dicta vero Ecclesia S. Mariae duas perpetuas Vicarias pro duobus perpetuis Vicariis, qui curam animarum Parochianorum earumdem Parochiarum Ecclesiarum, Hebdomadarii vero Collegiate, Vicarii autem praefatae S. Mariae Ecclesiarum hujusmodi exerceant, & alia Parochialia onera illis respective incumbentia subeant; nec non in eadem Ecclesia Collegiate unum Diaconale, pro uno Diacono, qui Evangelii, & alterum Subdiaconale nuncupanda perpetua simplicia Beneficia Ecclesiastica pro uno Subdiacono futuris inibi perpetuis Beneficiatis, qui Epistola decantationi ibidem deserviant, & tam ipsi Beneficiati, quam Decanus, Cantor, Sacrista, Canonici, & Hebdomadarii praefati singulis diebus horas Canonicas diurnas, & nocturnas, ac Missas, & alia Divina officia in eadem Collegiate Ecclesia servata ecclesiastica disciplina celebrare, eisdemque interesse, ac ipsius Collegiate Ecclesiae in divinis deservire teneantur, auctoritate nostra perpetuo, sine alicujus praedictio erigas, & instituas, ac illis sic erectis, & institutis Collegiate Ecclesiae videlicet dictam Ecclesiam S. Mariae ex nunc, Mensae vero Capitulari, nec non Decanatu, Cantoria, Sacristia, ac Canonicatibus, & Praebendis, Hebdomadariis, & Beneficiis praefatis pro eorum congrua dote, & illa pro tempore obtinentium sustentatione, onerumque eis incumbentium supportatione, redditus annuos mille scutorum, ut praefertur, donatos, & assignatos, etiam ex nunc, praestimonia vero, seu portiones, aut Beneficia, & Cappellaniae hujusmodi, quae omnia personalem residentiam non requirunt, cum primum per usum etiam ex causa permutationis, vel decessum, seu privationem, vel quamvis aliam amissionem, vel dimissionem illa, seu illas ad praesens obtinentium, aut alias quovis modo etiam apud Sedem Apostolicam, & in aliquo ex Mensibus in quibus vacantium Beneficiorum Ecclesiasticorum dispositio Nobis, & Romano Pontifici pro tempore existenti, vel dictae Sedi etiam per Constitutiones Apostolicas, seu Cancellariae Apostolicae regulas, vel etiam ratione facultatis continuae commensalitates alicujus S. R. E. Cardinalis etiam viventis, & alias quomodolibet, & undecumque servata existat, ac pro tempore fuerit, seu Ordinariis Collatoribus etiam per eandem Constitutiones, & regulas, seu literas Alternatarum, aut alia privilegia, & indulta concessis haecenus, & in posterum concedendis simul, vel successive, ac quocumque, & ubicumque vacabunt, etiam si actu nunc ut praefertur, aut aliis quibusvis modis etiam ex aliorum quorumcumque personis, seu liberis praefatorum vel &c. factas, aut affectuionem &c. vacent etiam si tanto tempore &c. devoluta, ac Praestimonia, seu portiones, aut Beneficia, & Cappellaniae hujusmodi disposi-

tionem Apostolicam specialiter, vel alias generaliter reservata, seu reservata existant, & super eis &c. indecisa ex nunc, prout ex tunc, & e contra cum annexis &c. suis, ita quod liceat Decano, & Capitulis praefatis, illorum omnium, & annexorum, iuriumque, & pertinentiarum suorum quorumcumque corporalem possessionem per se, vel alium, seu alios suos, & Collegiate Ecclesiae, ac Mensae, Dignitatum, & aliorum erigendorum praefatorum Beneficiorum nominibus propria auctoritate libere apprehendere, & perpetuo retinere, fructus quoque, redditus, proventus inde provenientes, percipere, exigere, recuperare, locare, arrendare, & administrare, cum hoc, quod deductis in primis decem libris pro Praebendis, & fructibus certis singulorum Dignitatum, ac Canonicatum, & Praebendarum, nec non Hebdomadariatum, & erigendorum Beneficiorum praefatorum, ac certa portione distributionum per Ordinarium Loci, & Capitulum praefatos taxanda, quam dicti Hebdomadarii ultra pedem Altaris, & alia emolumenta ex praefata Cura, & illius exercitio tantum provenientia, ac ad ducenta scuta, vel circa annuatim, ut asseritur, ascendentia habere debeant. Reliqua omnia fructus, proventus, jura, obventiones, & emolumenta tam reddituum donatorum, & assignatorum, quam Praestimoniorum, seu portionum, aut Beneficiorum, & Cappellaniarum hujusmodi cedant, & cedere debeant in distributiones quotidianas inter Decanum, Cantorem, Sacristam, & Canonicos praefatos in dicta Collegiate pro tempore residentes, & horis Canonicis, aliisque Divinis Officiis suis loco, & tempore ibidem interesse dumtaxat juxta providam super hoc a praefato Ordinario faciendam ordinationem dividendas, & per eos lucrandas, & percipiendas, ex quibus Decanus duas, quilibet vero ex Cantore, & Sacrista unam, cum dimidia, & singuli Canonici unam integram portiones respective habeant, absentium autem, & non interessentium portiones infirmitate, aut alio legitimo, de quo docere debeant, cessante impedimento aliis praesentibus, & interessentibus pro cuiusque rata accrescant, & accrescere eo ipso censentur; redditus tamen, tam per Praefectum, Juratos, & Syndicum assignati, quam reliqui fructus dictae Mensae Capitularis a die data praesentium decursi, & usque ad diem capte realis possessionis per eum, qui ultimo loco Canonicatum, & Praebendam dictae Collegiate Ecclesiae a primava eorum erectione hujusmodi vacantes, assequutus fuerat, nulli aliorum accrescant, sed asserentium pro pede, ut vocant fixo, ac perpetuo prout in Ecclesia Oriolen, fieri consuevit, advenienteque vacatione alicujus ex Praestimoniis, seu portionibus, aut Beneficiis uniendo, & Cappellaniis hujusmodi distributio pro rata juxta ordinem ab eodem Ordinario statuentem fiat, distique Decanus, & Capitulum quatuor pueros Chori, & alios Ministros ex Massa communi perpetuo manutene, ac onera sibi incumbentia supportare teneantur,

tur, fructibus, & emolumentis tam S. Nicolai, quam S. Mariae Ecclesiarum hujusmodi, seu illarum Massa, seu Massis in suo pristino statu, & modo illos per Clericos, & Presbyteros dicti Oppidi, & Canonicatus, & Præbendas, & Dignitates hujusmodi pro tempore obtinentes percipiendis firmis, & immutatis remanentibus, prout ante erectionem hujusmodi erant: dictis vero Vicariis oblationes, & alia emolumenta ratione curæ dictæ Ecclesiæ S. Mariae provenientia, & debita Pes Altaris nuncupata, quæ ad alia ducenta scuta, vel circa annuatim, ut etiam asseritur ascendunt, pro eorumdem Vicariorum sustentatione, & mantentione cedant, ipsique illa percipere, & habere, ac in suos usus convertere possint, dicta auctoritate, etiam perpetuo unias, annexes, incorpores, applices, & appropries respective.

Qualitates requirende in his, qui ad Canonicatus promovendi debent.

§. 4. Insuper quod ex undecim Canonicatibus, & Præbendis præfatis unus, & una pro uno Decretorum Doctore, vel alias in illis graduato in aliqua approbata Universitate Studii generalis, ac alius, & alia, pro uno Magistro in Theologia, qui Adventus, & Quadragesimæ, aliisque Anni temporibus, & solemnitatibus concionem in dicta Collegiata habeat, nec non alius, & alia Poenitentiarum nuncupandi, pro uno Poenitentiarum, qui Confessiones audiât, & alia ad Poenitentiarum Officium juxta Concilii Tridentini dispositionem faciat, & adimpleat, aliisque, & alia Theologales pro unoquoque Magistro in Theologia, qui Sacram Scripturam juxta ipsius Concilii formam inibi legat, & interpretetur, aliisque, & alia pro uno alio Theologo, vel utriusque juris perito, qui negociis Capituli intendat, ac alius, & alia Diaconalis pro uno Diacono, nec non alius, & alia Subdiaconalis pro uno Subdiacono, qui Diaconus, & Subdiaconus Episcopo Oriolen. pro tempore existenti, dum ad ipsam Collegiatam Ecclesiam accedet, Missamque solemnem ibidem celebrabit, assistere debeant, ac quod Sacrista, nec non Theologus legens, & Poenitentiarum, Hebdomadariique præfati illis horis, quibus functionibus, & Officiis suis impediti erunt, pro præsentibus habeantur.

Collatio ad quos pertinet.

§. 5. Quodque Decanatus ad Romanum Pontificem pro tempore existentem tantum, Poenitentiarum vero nuncupati, ac aliorum quatuor, non tamen ut præfatur, affectorum Canonicatum, & Præbendarum, ad eundem Romanum Pontificem, seu reservationibus, & affectionibus Apostolicis cessantibus ad præfatum Ordinarium, Hebdomadariam autem, ac Vicariam, & duorum erigendorum Beneficiorum hujusmodi tam hac prima vice, quam deinceps perpetuis futuris temporibus, quomodocumque illa vacare contigerint, collatio, provisio, & omnimoda alia dispositio ad eundem Ordinarium dumtaxat spectet, & pertineat: de Hebdomadariis autem, & Vicariis præfatis earum vacatione pro tempore occurrente postis editis, & prævio concursu, ac alias juxta decretorum dicti Concilii, ac Constitutionis sel. recor. Pii Papa V.

Prædecessoris Nostri super modo conferendi Parochiales Ecclesias editæ formam disponi debeat, nec non quod Cantoria, Sacristia, Canonicatus, & Præbendæ, Hebdomadaria, Vicaria, & due erigenda Beneficia hujusmodi, quoties eorum collatio, provisio, & quavis alia dispositio ad Ordinarium præfatum, vel presentatio personæ idoneæ ad illa ad infra scriptos patronos pro tempore spectabit, nullis omnino conferri, nec per aliquos quovis modo obtineri possint, nisi qui ex dicto Oppido de Alicante, ac Locis, seu Oppidis de Muchiavel, & Sancti Joannis, ac de Bemmagres, nec non Municipiis, Manfis, & Algeriis nuncupat. infra Civitates, & terminos ejusdem Oppidi de Alicante consistentibus concepti, seu orti existant, in quibus, & illi omnes, qui casu quo in aliis Oppidis, atque Locis concepti, aut nati sint, aut pro tempore erunt, quorum tamen Parentes in eodem Oppido de Alicante domicilium habuerint, nec non omnes Presbyteri, & Clerici, qui de præfati ad fructus, & emolumenta Ecclesiarum S. Nicolai, & S. Mariae hujusmodi admissi sunt, comprehendantur, & comprehensi intelligantur: nec non quod quicumque voluerit fundare in dicta Collegiata Ecclesia Canonicatum, & Præbendam, teneatur illos dotare in centum, & quinquaginta librarum similium, vel amplius juxta Ordinarii præfati ordinationem, & taxationem redditibus annuis, & proventibus in toto, vel in parte, ex aliqua Cappellania, cujus ipse Fundator Patronus sit ex fundatione, vel dotatione, quod in primo eorum Ordinario Loci verificari debeat in quacumque dictarum Ecclesiarum: quæ Cappellania accedente consensu dicti Patroni, tali casu eo ipso suppressa censetur, illiusque fructus sint applicati pro dote hujusmodi Canonicatus, & Præbendæ, quorum idem Fundator Patronus existat, & ex redditibus ipsis decem in Præbendam, reliquæ vero centum, & quadraginta libræ hujusmodi in distributiones quotidianas, ut præfatur, lucrandas, & percipiendas convertantur, & qui Cappellania, seu Beneficium de novo ibi fundaverit, congruam illi dotem arbitrio ejusdem Ordinarii assignare teneatur, & aliter factæ fundationes, nec non collationes, provisiones, aliæque dispositiones de Dignitatibus, ac Canonicatibus, & Præbendis, aliisque Beneficiis inibi pro tempore erectis contra tenorem præsentium factæ sint eo ipso nullæ, & irritæ, nulliusque roboris, & momenti auctoritate præfata similiter perpetuo statuas, & ordines.

Cappa Canonice conceditur.

§. 6. Præterea Decano, & Cantori, Sacristæ, Canonicis, Hebdomadariis, & duobus Beneficiatis, quod tam hieme, quam æstate Almutias, & Cappas ad instar Canonicorum, & Dignitates obtinentium, aliorumque Capitularium personarum, ac Hebdomadariorum, Beneficiatorum Cathedralium Valentin., Oriolen., Segobricen., ac Collegiatarum Xativa, & Gaudia Valentin. Dioecesis Ecclesiarum deferre, & illis uti, nec non Decanus, Cantor, Sacrista, & Canonici

nonici præfati, ut a quotidiana residentia, & eius oneribus aliquando subleventur, spatium duorum Mensium dumtaxat quolibet anno interpellatis diebus ab eadem Collegiata Ecclesia, illiusque residentia, & servitio abesse, & nihilominus interim fructus, & distributiones quotidianas Dignitatum, ac Canonicatum, & Præbendarum per eos in eadem Ecclesia pro tempore obtentorum, cum ea integritate, qua illos, & illas perciperent, si horis Canonicis, & aliis Divinis Officiis ibidem interessent, percipere, & lucrari, & tam ipsi omnes, quam dicta Collegiata Ecclesia, illiusque Mensa, ac jura, res, & bona ejusdem, nec non Cappellani, & alii Ministri inibi pro tempore servientes omnibus, & singulis privilegiis, immunitatibus, libertatibus, exemptionibus, facultatibus, prærogativis, indultis, & gratiis tam spiritualibus, quam temporalibus, quibus ceteræ Collegiata Ecclesia, illarumque Mensa, Capitula, & Ministri, ac alia ad illos spectantia de jure, usu, privilegio, consuetudine, vel alias quomodolibet utuntur, fruntur, potiuntur, & gaudent, ac uti, frui, potiri, & gaudere possunt, & poterunt in futurum pariformiter, & sine differentia, perinde ac si illa eis principaliter concessa fuissent, uti, frui, potiri, & gaudere. Nec non Decanus, & Capitulum præfati pro felici Ecclesiæ Collegiata, ac Dignitatum, & aliorum erigendorum Beneficiorum præfatorum, rerumque, & bonorum suorum regimine, & administratione, quacumque statuta, & ordinationes, felix hujusmodi regimen concernentia, licita tamen, & honesta, sacrive Canonibus, & dicti Concilii Tridentini Decretis non contraria condere, ac toties quoties expediens fuerit in toto, vel in parte mutare, corrigere, reformare, ac de novo facere libere. & licite valeant, ipsaque omnia statuta, & ordinationes, postquam sic condita, reformata, & de novo facta fuerint ab Ordinario præfato examinari, & approbari debeant, eadem auctoritate pariter perpetuo concedas, & licentiam impertiaris. Postremo nunc, & pro tempore existentibus Præfeto, ac Juratis, & Sindico præfatis Juspatronatus, & presentandi personas idoneas ad Cantoriam, & Sacristiam, nec non ad sex Canonicatus, et Præbendas pro Doctore, aut alias graduato in Decretis, ac Magistro in Theologia Lectore, alioque etiam Theologo, aut juris perito, nec non Diacono, & Subdiacono, assistentibus Canonicis præfatis, ut præfatur, affectos, quoties de cetero illos quovis modo, et quoruncumque personis etiam apud Sedem præfatum, ac alias ubicumque, & quomodocumque vacare contigerit, eidem Ordinario per ipsum ad presentationem hujusmodi instituendas dicta auctoritate itidem perpetuo reserves, concedas, & assignes, ac Juspatronatus hujusmodi eidem Præfeto, Juratis, & Sindico ex veris, meris, & primævis fundatione, vel dotatione competere, illudque puram, & simplicem naturam, qualitatem, & conditionem Juspatronatus Laicorum perpetuo

Privilegia.

habere, & obtinere, ac eidem nullo unquam tempore in quovis vacationis casu etiam, per Pontificem, & Sedem præfatos, alias quam in casibus solitis absque expresso dictorum Patronorum consensu derogari posse.

Clausula.

§. 7. Præsentes quoque sub quibusvis similibus, vel dissimilibus gratiarum revocationibus, suspensionibus, limitationibus, derogationibus, & aliis contrariis dispositionibus etiam per quasvis Constitutiones Apostolicas, & Cancellariæ Apostolicæ regulas etiam unionum, suppressionum, aliarumque hujusmodi gratiarum effectum non sortitarum revocatorias, quomodocumque, & per quoscumque etiam in crastinum assumptionis cujuscumque Romani Pontificis ad Apostolatus apicem pro tempore editas, ac sub quibuscumque tenoribus, & formis emanatas, & emanandas nullatenus comprehendendi, sed semper in omni casu, tamquam eas, quæ in favorem divini cultus emanarunt ab illis excipi, & quoties illas suspendi, vel revocari, aut ipsis in aliquo derogari contigerit, toties in pristinum, & validissimum suum statum restitutas, repositas, & plenarie reintegratas, ac de novo etiam sub quacumque nova data per Clerum, & Patronos præfatos pro tempore eligenda concessas, validasque, & efficaces esse cense, ac suos plenarios, & integros effectus sortiri, & obtinere, ac ab omnibus inviolabiliter observari. Sicque, & non alias per quoscumque Judices etiam Casuarum, Palatii Apostolici Auditores, ac S. R. E. Cardinales etiam de Latere Legatos, & præfate Sedis Nuncios judicari, & definituri debere, nec non si secus &c., & inane decernas.

Derogatio contrariorum.

§. 8. Non obstantibus voluntate priori, & aliis præmissis, ac pia mem. Bonifacii Papæ VIII. etiam Prædecessoris Nostri, nec non Lateranensis Concilii novissime celebrati uniones perpetuas, nisi in casibus a jure permittis fieri prohibentis, aliisque Decretis Provincialibus, & Synodalibus Concilii editis, specialibus, vel generalibus Constitutionibus, & Ordinationibus Apostolicis contrariis quibuscumque. Aut si aliqui super Provisionalibus &c. processum. Quas quidem literas, & processus habitos per eandem, ac inde sequuta quæcumque ad Ecclesiam S. Mariae, ac Præstimonia, seu portiones, vel Beneficia unienda, & Cappellanas hujusmodi volumus non extendi, sed nullam per hoc eis &c. generari, & quibuslibet aliis privilegiis, indulgentiis, & literis Apostolicis generalibus, vel specialibus quoruncumque tenoribus existant, per quæ præsentibus non expressa, vel totaliter non inserta effectus earum impediri valeant quomodolibet, vel differri, & de quibus quoruncumque totis tenoribus de verbo ad verbum habenda sit in nostris literis mentio specialis. Volumus autem quod propter unionem, annexionem, & incorporationem hujusmodi, si illas per Te vigore presentium fieri contigerit, ut præfatur, Ecclesia S. Mariae, ac Præstimonia, seu portiones, aut Beneficia, & Cappellania hujusmodi de-

debitis propterea &c. obsequiis, & animarum Cura in ipsa Ecclesia S. Mariae nullatenus negligatur, sed ejus &c. consueta.

Datum Romae apud S. Marcum millesimo quingentesimo nonagesimo sexto Kalendis Aprilis Pontificatus Nostri Anno Quinto.

Dat. die 17. Aprilis 1596. Ann. V.

Ex Regest. in Secret. Brev.

Confirmatio Pragmaticae ad evitandos superfluos sumptus in Civitate Bononiensi.

CXXIV.

CLEMENS PAPA VIII.

Ad perpetuam rei memoriam.

Exordium.

Decet Romanum Pontificem ea sua confirmationis robore libenter communitate, quae ad evitandos superfluos, & inanes ejus subditorum sumptus, provide statuta esse dicuntur, prout in Domino salubriter conspicitur expedire.

De mandato Pontificis publicatur Pragmatica Bononiensis.

§.1. Cum itaque, sicut accepimus, nuper sub die videlicet sexta mensis Aprilis proxime praeteriti, de ordine, & mandato nostro, ad evitandos damnosus, & superfluos sumptus in Vestibus, & Conviviis fieri solitos, ex quibus nobiles, & divites familiae redditus, & substantias proprias plerumque absumere consueverunt, in Civitate nostra Bononiensis quaedam pragmatica, seu reformatio publicata extiterit, eamque ad conservationem familiarum ejusdem Civitatis perpetuo inviolate observari maxime expediat.

Eam confirmat Clemens.

§.2. Nos, qui subditorum nostrorum conservationem, & eorum incrementum sincero optamus affectu, pragmaticam, & reformationem praedictam perpetuo, ut patet, observari cupientes, ex certa scientia, ac matura deliberatione nostra, eandem pragmaticam, & reformationem cum omnibus in illa contentis capitulis, & poenis in eis appositis, Apostolica auctoritate, tenore praesentium, perpetuo confirmamus, & approbamus, illique perpetua, & inviolabilis Apostolica firmitatis robur adjuicimus, ac omnes, & singulos tam juris, quam facti defectus, si qui in eisdem intervenerint, supplemus.

Executoresque deputat.

§.3. Mandantes propterea dilectis filiis moderno, & pro tempore existenti nostro, & Apostolicae Sedis in dicta Civitate de latere Legato, seu ejus Vice-Legato, aut Gubernatori, nec non Viris Reformato-ribus status Libertatis dictae Civitatis, ut pragmaticam, & reformationem praedictam ab omnibus perpetuo observari curent, & faciant, & in contravenientes, poenas in praedicta pragmatica, seu reformatione adjectas, irremissibiliter, & absque ulla exceptione exequantur, ac exequi curent, & faciant.

Contraria nollit.

§.4. Non obstantibus Constitutionibus, & Ordinationibus Apostolicis, ac ejusdem Civitatis, etiam juramento, confirmatione Apostolica, vel quavis firmitate alia robo-

ratis statutis, & consuetudinibus, necnon quibuscumque licentiis pro tempore etiam ab ipsis Legato, seu Vice-Legato, aut Gubernatore, aca Sede Apostolica in contrarium concessis, & concedendis, quas ex nunc prorsus revocamus, & annullamus, ac revocatas, & annullatas esse, & fore; sicque per quoscumque Judices ordinarios, & Delegatos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere decernimus. Non obstantibus contrariis quibuscumque.

Datum Romae apud Sanctum Marcum sub Annulo Piscatoris, die 17. Maii 1596., Pontificatus nostri Anno Quinto.

Dat. die 17. Maii 1596. Ann. V.

CXXV.

Jubilaeum ad divinam opem pro Sanctae Catholicae fidei in Regno Francia exaltatione, & pristina in eo tranquillitatis restitutione implorandam.

Ex Regest. in Secret. Brev.

CLEMENSE EPISCOPUS

SERVUS SERVORUM DEI

Universis Christianis in Regno Francia existentibus salutem, & Apostolicam benedictionem.

§.1. Quam semper cordi Nobis, curaque fuerit, ut gravissima, ac diuturna sollicitudinis nostrae partes de Christianissimo, & pacatissimo olim Francia Regno, tum Catholicae Religionis in eo conservanda tum publicae illius tranquillitatis instauranda causa susceptae, eum, quem ipsi jam diu a Domino assiduis precibus flagitavimus, quemque boni omnes optant, exitum fortiterentur, praclare quidem constare iis arbitramur, quibus cognita sunt, ac perspectae rationes, quae Nos tandem anno superiore adduxerunt, ut charissimi in Christo filii nostri Henrici Francorum Regis Christianissimi supplicationibus, quibus se in Sanctae Romanae Ecclesiae gremium a Nobis recipi postulabat, benigne annueremus, eumque propterea paternae charitate complecteremur. In quo officio quemadmodum nihil plane praeter ipsius Henrici Regis, & totius Regni salutem, & quietem omni humanarum rerum cogitatione seposita, spectandum duximus, ita nunc illud in primis curandum esse existimavimus, ut optatos, & speratos ejus deliberationis fructus, Deo piis omnium votis aspirante, quam primum capiamus, atque hoc sane consilio dilectum filium nostrum Alexandrum Medices Tituli Sanctae Praxedis Presbyterum Cardinalem Florentinum nuncupat. ad eundem Henricum Regem, atque ad ipsum Francia Regem, nostrum, & Apostolicae Sedis de latere Legatum nuper destinavimus.

Quae ipse gefcit pro inducenda in Francia Regno tranquillitate relict.

§.2. Quoniam vero ad eos fructus consequendos divinae opis praesidia praecipue

Legato Apostolico se iussit, ut pa-

Illas supplicationes indicet.

necessaria esse intellegimus, praeter privatas, & publicas a Nobis jam saepe hac de causa indictas preces proprias, & peculiares, in ipso Regno Francia supplicationes, hoc etiam tempore indicendas censuimus, confisi, Deum, pro immensa sua pietate, eorum desideria, a quibus potissimum rogari se animadvertit, cumulate expleturum, & quae ipsi petimus, bonitatis suae dona tandem concessurum. Quo circa eidem Alexandro Cardinali injunximus, ut cum primum ad idem Regnum pervenerit, in ea Civitate, vel loco, in quo sibi consistendum esse statuerit, ad duas, vel tres insigniores Ecclesias ibi existentes, hebdomada, & diebus per eum designandis, solemnes processiones, vel moris est, indicat, atque ad eas ipse cum Venerabilibus Fratibus nostris Primatibus, Archiepiscopis, Episcopis, aliisque Praelatis ibidem tunc praesentibus, necnon cum Officialibus, ac Magistratibus dictae Civitatis, universonque illius Clero, & Populo supplex accedat.

Christifideles hortatur, ut tales supplicationes faciant.

§.3. Ut autem divina benignitas, & clementia opportuni auxilii gratiam Regno deprecandi lagiat, omnes, & singulos utriusque sexus Christifideles, qui tam in eadem Civitate, quam in toto Regno erunt, per viscera misericordiae Dei, ac Domini nostri Jesu Christi, per quem Reges regnant, & Regna consistunt, hortamur, atque obsecramus, ut qui in eadem Civitate fuerint, dicta hebdomada, aut saltem altera sequenti, qui vero extra eam, in ceteris Regni Dominis, Provinciis, Regionibus, & locis existent, proxima, aut altera sequenti hebdomada, postquam literae ejusdem Alexandri Cardinalis super indictione hujusmodi supplicationum publicatae fuerint, vel alias ad illorum certam notitiam pervenerint, ad Deum Patrem clementissimum humiliato, & contrito corde convertantur, & ob culpas, ac peccata commissa ex animo dolentes, concordibus, & assiduis precibus ipsum orent, ut oculis clementiae Ecclesiam suam sanctam respiciat, Francia Regnum in Sancta Catholica, & Apostolica fide conservet, illudque in pristinam pietatem, & tranquillitatem restituat, haereticum radices evellat, simultates, atque odia dirimat; Univerfam denique Rempubicam Christianam a pravis Schismatum erroribus, & malorum omnium periculis salvam, & incolumem tueatur.

Facientibus autem indulgentiam in forma Jubilaei concedit.

§.4. Et si quidem, qui in eadem Civitate fuerint, praedictas Ecclesias, vel unam ex eis, quam maluerint; Qui vero extra eandem Civitatem in dicto Regno erunt, Ecclesiam, seu Ecclesias per locorum Ordinarios, seu eorum Vicarios, aut de eorum mandatis, vel eis deficientibus per eos, qui ibi curam exercent animarum, deputandam, seu deputandas, quocumque die, vel quibuscumque diebus ejusdem, vel sequentis hebdomadae quam ipsi elegerint, saltem semel devote visitaverint, & quarta, & sexta Feria, ac Sabbato ejusdem, vel sequentis hebdomadae jejunent. Praeterea pauperibus, & indigentibus personis, Bull. Rom. Tom. V. Par II.

aut locis piis, pro suo arbitrio, elemosinas erogent, atque intra hoc tempus Sacerdoti ab Ordinario approbato peccata sua confiteantur, & die Dominico dictum Sabbathi diem proxime subsequenti, vel alio dictae prioris, aut sequentis hebdomadae die, arbitrio confessorii, Sanctissimum Eucharistiae Sacramentum devote suscipiant. Qui autem in navigatione, vel itinere fuerint, eo peracto, haec omnia, ut praesentur faciant, & exequantur. Regulares autem utriusque sexus, qui in claustris degunt, nec non alii, qui in carcere, vel captivitate detinentur, aut propter corporis infirmitatem, seu aliud quodcumque impedimentum, superius expressa, aut eorum aliqua facere, vel adimplere nequiverint, Sacerdotis confessorii, quem elegerint, arbitrio praedicta omnia, & singula, aut aliqua illorum in alia pietatis opera commutare, vel in aliud proximum tamen tempus differre valeant. Quae omnia, ut eo libentius praesare studeant, quo uberius spiritualibus muneribus, & gratis se a Nobis resectos esse cognoverint, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Deus Nobis, licet indignis contulit, thesauros Ecclesiae, quorum dispensatores sua benignitate facti sumus, copiose apertientes, omnibus, & singulis praedictis, qui praemissa fecerint, & adimpleverint, plenissimam peccatorum suorum indulgentiam, veniam, & remissionem, sicut in Anno Jubilaei visitando certas Ecclesias intra, & extra Urbem, concedi consuevit, tenore praesentium damus, concedimus, & elargimur.

Facientes hic indicatas Confessorii tribuit.

§.5. Nec non eisdem Christianis, etiam cujuscumque Ordinis, & Congregationis Regularibus utriusque sexus facultatem impertimur, eligendi sibi Presbyterum confessorium tam saecularem, quam cujusvis Ordinis, vel instituti Regularem ex approbatis ab Ordinariis locorum, qui eos ab omnibus excommunicationis, suspensionis, & interdicti, aliisque Ecclesiasticis sententiis, & censuris a jure, vel ab homine quovis modo, vel causa latis, seu inflictiis, nec non ab omnibus peccatis, excessibus, criminibus, & delictis, quantumvis gravibus, & enormibus, etiam in casibus tam locorum Ordinariis, quam Nobis, & Sedi Apostolicae etiam in literis in die Coenae Domini legi consuetis, atque alias etiam per quascumque Romanorum Pontificum Praedecessorum nostrorum Constitutiones, quarum tenores, praesentibus haberi volumus pro expressis, quomodolibet reservatis, in foro tantum conscientiae, hac vice dumtaxat absolvere: Et insuper vota quaecumque (Religionis, & castitatis exceptis) in alia pia, & salutaria opera commutare, injuncta tamen eis, & eorum cuilibet in praedictis omnibus casibus poenitentia salutaris, ac aliis injungendis, possint, & valeant.

Locorum Ordinariis man.

§.6. Mandantes insuper omnibus Venerabilibus

dat, ut hanc publicent Constitutionem.

rabilibus Fratibus nostris Primatibus, Archiepiscopis, Episcopis, & aliis quibuscumque Ecclesiarum Prelatis, & locorum Ordinariis in virtute sanctae obedientiae, ut post indictionem supradictarum supplicationum per eundem Alexandrum Cardinalem faciendam, cum harum literarum transumpta, aut exempla acceperint, illa statim per suas Provincias, Civitates, Dioceses, & loca promulgari faciant, Cleroque, & Populo sibi subiecto solemnes Processiones, & supplicationes indicant, & celebrent.

Ab absolutio-nibus irregu-laritate ex-cipit.

§.7. Per praesentes autem super aliqua irregularitate publica, vel occulta, nota, defectu, incapacitate, aut inhabilitate quoquo modo contracta dispensare, vel aliquam facultatem tribuere dispensandi, etiam in foro conscientiae non intendimus.

Ab solutione-f que in foro conscientiae tantum vali-das esse de-clarat.

§.8. Ac declaramus, has ipsas praesentes, quo ad absolutionem in foro conscientiae, & poenitentiam tantum, non autem in foro fori, sive contentioso consequendam, neque etiam quoad dictum forum conscientiae, iis, qui ab aliquo Iudice excommunicati, suspensi, interdictione, seu alias in sententias, & censuras incidisse declarati, vel publice denunciati fuerint, nisi intra tempus celebrationis huiusmodi Iubilaei satisfecerint, aut cum partibus concordaverint.

Obstantia-tollit.

§.9. Non obstantibus Constitutionibus, & Ordinationibus Apostolicis, praesertim quibus absolventi facultas in certis tunc expressis casibus, ita Romano Pontifici pro tempore existenti reservatur, ut nec etiam similes, vel dissimiles Iubilaei, indulgentiarum, aut facultatum huiusmodi concessiones, nisi de illis expressa mentio, aut specialis derogatio fiat, cuiquam suffragari queant, nec non quorumcumque Ordinum, & Congregationum Regularium iuramento, confirmatione Apostolica, vel quavis firmitate alia roboratis statutis, consuetudinibus, privilegiis quoque, indultis, & literis Apostolicis eisdem Ordinibus, & Congregationibus quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specifica, & individua, non autem per clausulas generales idem importantes mentio, aut expressio habenda, vel quavis alia exquisita forma ad hoc servanda foret, illorum tenores praesentibus pro plene, & sufficienter expressis, & formam in illis traditam pro servata habentes, hac vice nominatim, & expresse, ad effectum praesentium derogamus, ceterisque contrariis quibuscumque.

Fidem tran-sumptis addit.

§.10. Volumus autem, ut praesentium transumptis, vel exemplis, etiam impres-sis, manu Notarii publici subscriptis, & sigillo personae in dignitate Ecclesiastica constitutae munitis, eadem prorsus fides adhibeatur, quae adhiberetur his ipsis, si forent exhibitae, vel ostensa.

Dat. die 23. Maii 1596. Ann.V.

Datum Romae apud S. Petrum Anno Incarnationis Dominicae 1596. decimo Kalendarum Junii, Pontificatus nostri Anno V.

Statuit, ut deinceps Pignora apud Hebraeos consistentia, elapso spatio decem, & octo mensium, in Monte Pietatis de Urbe vendi debeant, neque Hebraei plus quam duodecim scuta, pro quolibet pignore, mutuo dare possint.

Ex Regest. in Secret. Brev.

CLEMENS PAPA VIII.

Ad perpetuam rei memoriam.

P Aterna nostra erga sanctos Christifideles, ac pauperes praesertim personas charitas Nos admonet, ut ea, quae in eorumdem pauperum personarum beneficium cedere posse cognoscimus, opportuna provisione procuremus.

Exordium.

§.1. Proinde ex iustis, & rationabilibus causis animum nostrum moventibus, Motu proprio, & ex certa scientia, ac matura deliberatione nostris, ac de Apostolica potestatis plenitudine, ut posthac in perpetuum pignora quaecumque, super quibus Hebraei pecunias tam hucusque, quam imposterum mutuaverint, quae lapsa spatio decem, & octo mensium, ab eisdem Hebraeis per licitationem venduntur, in Monte Pietatis de Urbe dumtaxat, in loco ad licitationes faciendas ibi designato, & non alibi, vendi per huiusmodi licitationem debeant; utque imposterum, ex iustis similiter, & rationabilibus causis animum nostrum moventibus, dicti Hebraei nulli personae super pignoribus, quae ad eos deferuntur pecunias, usque ad summam scutorum duodecim monetae inclusive ascendentis, aliquo modo, mutuari possint, auctoritate Apostolica, tenore praesentium, perpetuo statuimus, mandamus, & ordinamus.

Statutum, de quo in Rubrica.

§.2. Inhibentes propterea universitati Hebraeorum, & particularibus Hebraeis quibuscumque, sub quingentorum scutorum auri in auro ipsi Monti Pietatis applicandorum, nullitatis venditionis, ac amissionis pecuniarum mutuatorum, & aliis arbitrio nostro eo ipso, quo vendiderint, & mutuaverint, incurrendis poenis, ne pignora huiusmodi vendenda, alibi posthac, quam in praedicto Monte Pietatis, & in loco ibi designato, vendere, neve pecunias ad summam praedictam scutorum duodecim ascendentes, cuicumque personae, super pignoribus, mutuo dare audeant, seu praesumant.

Poenae in tran-sgressores.

§.3. Non obstantibus quibuscumque Constitutionibus, & Ordinationibus Apostolicis, ac statutis, & consuetudinibus, etiam iuramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis universitati praedictae Hebraeorum, aut aliis quibuscumque in contrarium praemissorum quomodolibet concessis, confirmatis, & approbatis, ceterisque contrariis quibuscumque.

Obstantium derogatio.

Datum Romae apud S. Marcum sub Anno Piscatoris die 25. Maii 1596. Pontificatus nostri Anno V.

Dat. die 25. Maii 1596. An.V.

Infi-

Institutio Congregationis super Baronibus Status Ecclesiastici, cum iurisdictione eorum Castra, & bona etiam fideicommissis subiecta distrahendi, pro satisfatione Creditorum.

CLEMENS EPISCOPUS

SERVUS SERVORUM DEI

Ad perpetuam rei memoriam.

Procurium.

IUSTITIA ratio, & publicae fidei causa postulat, ut eorum qui pecunias nostris, & Sanctae Romanae Ecclesiae subditis creditorum, seu quibus aliquid ab eisdem, quavis occasione, vel causa debetur indemnitati, pro munere nostro, opportuno remedio consulamus.

Causae huius institutionis.

§.1. Cum igitur multorum querelis jamdiu ad nos perlatus sit, & quotidianis expostulationibus perferatur, nonnullos Barones, & Domicellos nostros, & Sanctae Romanae Ecclesiae subditos tam in Urbe, ejusque districtu, quam in universo statu nostro Ecclesiastico existentes, contracto variis de causis aere alieno, nullam prorsus inire rationem illud dissolvendi, immo nec annuas fructuum praestationes idcirco debitas, maximo creditorum incommodo, persolvere, ipsosque adeo creditores, dum eorum credita a dictis Baronibus, & Domicellis exigere conantur, magnos sumptus facere, & variis litibus implicari, & nihilominus credita ipsa nullo modo consequi posse: fideiussores etiam, qui pro eisdem Baronibus, & Domicellis sese, & bona sua quoquo modo obligarunt, ab eorum obligationibus minime posse liberari. Praeterea, licet alias ad eorumdem Baronum, & Domicellorum res aliquo pacto sublevandas, a nonnullis Romanis Pontificibus Praedecessoribus nostris, ac etiam forsitan a Nobis, ex speciali gratia, concessa fuerit facultas, quosdam pecuniarum Montes super eorum Civitatibus, Terris, Castris, Casalibus, & aliis bonis stabilibus, ad diversas summas ascendentes, erigendi cum obligatione etiam per ipsos Barones facta fructus, hoc nomine, singulis annis conventos, solvendi, ac certis modo, & forma Montes erectos, intra praescriptum tempus extinguendi, eos tamen, qui pecunias in dictis Montibus posuerunt, haecenus annuas fructuum praestationes, a nonnullis ex dictis Baronibus, & Domicellis consequi non potuisse, neque adhuc posse, ac praeterea aliquos etiam Barones, & Domicellos, eisdem Montes, vel eorum partem, juxta eorum obligationem, statuto tempore non extinxisse, nec forsitan ulterius de illorum extinctione cogitare, quo fit, ut iidem creditores, sub fide publica haecenus magno detrimento affecti fuerint, & in dies magis, ac magis afficiantur.

Institutio Congregationis.

§.2. Nos hinc malis pro officii nostri munere occurrere, & debite supradictae Bull. Rom. Tom.V. Par.II.

rum creditorum (inter quos plerique pauperes, complures etiam pupilli, & viduae sunt) satisfationi expedita aliqua ratione providere volentes, Motu proprio, & ex certa scientia, ac matura deliberatione nostris, deque Apostolica potestatis plenitudine, dilectum filium nostrum Bartholomaeum Sanctae Mariae in Porticu Diaconum Cardinalem Coesium nuncupatum, nec non dilectos filium Tiberium Cerasium Camerae Apostolicae Clericum, Paulum Coperchium Fischi, & dicta Camerae Advocatum, Paulum Aemilium Zacchiam ejusdem Camerae Commissarium Generalem, ac Rodolphum Bonifolium Senatorem Bononien. ad infrascripta omnia, & singula facienda, Apostolica auctoritate, tenore praesentium constituimus, assumimus, & deputamus, ac eisdem liberam, amplam, & plenam facultatem, & auctoritatem concedimus, & impartimur, ut conjunctim omnes, seu saltem idem Bartholomaeus Cardinalis, & major ipsorum pars, omnibus, & singulis tam instrumentariis, sive hypothecariis, quam Chirographariis, ac etiam Legatariis, & ratione mercedis, cibarium, & vestiarii, seu alias quovis modo privilegiatis, vel mercium, sive aliarum rerum occasione, aut etiam ex causa fideiussionum pro eisdem Baronibus, seu Domicellis, ac pro qualibet summa, & quantitate quorumcumque Principum, Ducum, Marchionum, & Comitum, aliorumque Baronum, & Domicellorum nostrorum, & Sanctae Romanae Ecclesiae subditorum, in Urbe ejusque districtu, & in universo Statu nostro Ecclesiastico existentium, cujuscumque status, gradus, conditionis, & ordinis, fuerint, etiam si dignitate quacumque Ecclesiastica, etiam Cardinalatus honore praesurgant, aut ipsorum parentum, seu antecessorum, vel auctorum quorumcumque creditoribus, etiam si eorum vassalli, & subditi, aut alii quicumque fuerint, qui de ipsorum creditis, ex quavis causa, & ad quamcumque summam, ut praesertur, ascendentes per mandata executiva, a quibusvis Iudicibus Urbis, aut alterius loci Status praedicti, decreta, & relaxata docuerint, ipsaque mandata exhibuerint, quam primum, absque ulla dilatione, non obstantibus quibuscumque inhibitionibus, dilationibus, supersestoriis in forma non gravetur, aut alias quomodolibet ab iisdemmet, vel aliis Iudicibus, aut etiam forsitan a Nobis, sive de ordine, ac mandato nostro emanatis, & emanandis, quas omnes, & singulas, ex nunc, auctoritate praesentium revocamus, annullamus, & irritamus, infrascriptis modis, & formis satisfieri curent, mandent, & cum effectu faciant, videlicet.

pro satisfatione creditorum cujuscumque Baronis.

§.3. Praedictorum Deputatorum Congregatio, exhibitis mandatis praedictis, absque alia citatione, & tela judiciaria, & sine ulla causa cognitione, super veritate crediti, vel discussione iustitiae, aut nullitatis mandatorum relaxatorum, tamquam meri, & puri exeutores, & propria a-

Exhibitis a creditoribus mandatis executivis per Iudices relaxatis contra Barones.

fortitate, & mandato, & sine vitio spoli attentatorum, aut nullitatis, omnium, & quarumcumque Civitatum, Terrarum, Castrorum, Casalium, Palatiorum, & aliorum bonorum immobilium tam in Urbe ejusque districtu, quam alibi ubicumque in nostro Statu Ecclesiastico existentium, ad ipsos Principes, Duces, Marchiones, Comites, vel Barones, aut Domicellos quoscumque, contra quos, vel eorum auctores, parentes, & quosvis antecessores, seu hereditaria eorum bona quaecumque mandata hujusmodi ex quavis causa, ut supra dictum est, relaxata fuerint, vel eorum partem, arbitrio ipsius Congregationis pertinentium, & per eos quocumque titulo habitorem, & quovis modo tentorum, & possessorum, realem, actualem, & corporalem possessionem, nomine Camerae Apostolicae capi, & retineri ad commodum tamen, & utilitatem eorumdem creditorum per mensem dumtaxat immediate sequentem, a die captae possessionis, a qua die omnis ipsorum Principum, Ducum, Marchionum, Baronum, seu Domicellorum, & aliorum praedictorum jurisdictio, & illius exercitium, atque administratio penitus cesset, & cessare debeat, ita quod ipsi non possint per se, vel alios in Civitatibus, Terris, Castris, Casalibus, Palatiis, & aliis locis, & bonis praedictis sese ingerere, aut aliquo pacto introrittere, sed illorum jurisdictio, & administratio penes dictam Congregationem, seu personas ab ea deputandas remaneat, omnino curent, & re ipsa praesent.

§.4. Quo mense elapso, Civitates, Terras, Castra, Casalia, Palatia, & alia bona hujusmodi subhaestanda proponant, & plus offerenti, omnia penitus omnia alia solemnitate, & sine solita etiam subhaestatione, & deliberatione per manus Cursorum, seu alias fieri consueta, & absque illarum expensis, pravia dumtaxat unius edicti per dies quindecim in locis publicis affixione ad deliberationem plus offerenti, cum cedula bancharia idonei Mercatoris, servata tamen, quoad personas, quae Civitates, Terras, Castra, & alia bona hujusmodi emere voluerint, forma Constitutionis sel. rec. Sixti Papae V. Praedecessoris nostri, super prohibitione alienandi Castra, & alia bona stabilia in statu Ecclesiastico existentia, sine Sedis Apostolicae licentia, aliis personis quam vassallis ejusdem Status, deveniant, illaque, & illa delibent, & vendant, ac instrumentum, vel instrumenta quaecumque, & alia desuper necessaria, & opportuna, obliganda etiam personas Principum, Ducum, Marchionum, Baronum, & Domicellorum praedictorum, & bona eorum pro evictione, etiam in forma ejusdem Camerae Apostolicae celebrent, & celebrari faciant.

§.5. Ac pretium inde redigendum, in satisfactionem dictorum creditorum, juxta eorum anterioritatem, & potioritatem, recepta prius ab eis jurium cessione, ad favorem emptoris, & si eidem Congregationi visum fuerit, praesita etiam ab ipsis idonea

Elapso mense Civitates, & bona eorum subhaestanda proponant, & absque expensis plus offerenti deliberent.

Pretium inde redigendum etc. dicitur con-signari faciat.

cautione, seu facta obligatione de eodem pretio restituendo prioribus, & potioribus, ad omne mandatum sui Judicis, consignent, & consignari faciant,

§.6. Inter oblatores autem, Camerae Apostolicam, seu ejus Commissarium, si offerre voluerit, ad offerendum admittant.

§.7. Sed si intra distos quindecim dies nullus oblatores reperiat, tunc Congregatio praedicta, Civitates, Terras, Castra, & alia bona praedicta, eidem Camerae nostrae Apostolicae adjudicet, liberet, ac vendat, & ipsa Camera nostra Apostolica, pravia aestimacione, per unum, vel plures aestimatores ab ipsa Congregatione deputandos, pro illo pretio, quod aestimatum fuerit, illas, & illa pro se accipere debeat, & de dicto pretio omnino supra dictis eorum creditoribus satisfacere teneatur.

§.8. Declaramus autem, si inter dictos creditores reperiantur aliqui, qui occasione quorumvis tam Montium, quam Censuum, intuitu, ac contemplatione ipsorum Principum, Ducum, Marchionum, Comitum, Baronum, & Domicellorum, vel eorum auctorum, & praedecessorum supra dictorum, erectorum, & impositorum respective creditores fuerint, & quibus de fructibus idcirco debitis haecenus integre satisfactum non erit, vel in futurum non satisfiet, in praemissis eum servari debere modum, & ordinem, ut capta summaria informatione, etiam extrajudiciali per dictam Congregationem de lapsu temporis, & de satisfactione non sequuta, absque ulla, ut dictum est, causa cognitione, ad subhaestationem, deliberationem, venditionem, & adjudicationem supra dictarum Civitatum, Terrarum, Castrorum, & bonorum pretio, ut supra aestimando, modo, & forma praedictis, & ulterius ad extinctionem dictorum Montium, & censuum, ac satisfactionem dictorum fructuum, usque ad diem dictae extinctionis decursum, ipsa Congregatio omnino deveniat. Idemque servari volumus, & mandamus, quoad illos Principes, Duces, Marchiones, Comites, Barones, & Domicellos, qui licet dictos fructus suo tempore quotannis solverint, supra dictos tamen Montes, ut praefertur, erectos, vel census impositos, & venditos, intra tempora in erectione ipsorum Montium, aut in impositione, & venditione censuum fidejussoribus promissa, vel alias conventa, non extinxerint, aut in futurum debitis temporibus non extinguant, seu etiam alia pacta in eisdem Montium erectionibus, & censuum impositionibus, & venditionibus apposta, & alias conventa, seu in quibuscumque contractibus, in quibus, seu quorum vigore dicti Barones, & Domicelli, aut eorum auctores, seu antecessores, debitores existunt, adjecta non adimpleverint, vel non observaverint, aut in futurum non observabunt, sive adimplebunt, in toto, vel in parte, ipsa Congregatio eos ad dictorum Montium, & censuum integram extinctionem, & debiti solutionem, ac creditorum satisfactionem, etiam

Cam. Apost. inter oblatores admittatur. Oblatores non reposito Camerae adjudicet pro pretio aestimando, & ipsa creditoribus satisfaciat.

Subhaestatio eadem, & deliberatio fiat, si extrajudicialiter constituta fuerint Montium, vel censuum, Barones non fuisse debito tempore extinctum, aut fructus non solutos, vel alia per eum promissa non impleta.

etiam

etiam si dies totius Montium, & censuum extinctionis, vel debiti solutionis non advenierit, cogat, & compellat.

§.9. Volumus etiam, & pari motu, ac potestate decernimus, Principes, Duces, Marchiones, Barones, & Domicellos supra dictos, seu illorum quoscumque pro tempore successores, subhaestationem, deliberationem, venditionem, & adjudicationem, & alia praedicta, impugnare, impedire, vel retardare non posse, nec adversus ea aliquo modo se tueri, aut pro illorum revocatione quocumque tempore instare, etiam ea ratione, vel praetextu, quod ipsi in Castris, & bonis praedictis sint haeredes cum beneficio legis, & inventarii, vel non succedant illis, qui debita praedicta contraxerunt, sed quod loca, & bona supra dicta ex antiquis investituris, concessionibus, fideicommissis, donationibus, vel ex contractibus etiam ex causa dotium, vel quacumque alia de jure privilegiata consecuti fuerint, vel ad ea vocati sint, mandata a Judicibus fuerint tantummodo decreta, seu relaxata contra bona hereditaria illorum, qui debitum hujusmodi contraxerunt, sed satis sit, & sufficiat, quod ii qui debitum contraxerunt, dicta bona quovis titulo, & modo tenuerint, & possederint, seu quod ipsi Barones, & Domicelli simili modo illa teneant, & possideant, aut ex eo, quod creditores, ex causa Montium, & censuum, restitutionem fortis principalis petere non possint, se a fidejussione eximi, quibus, & aliis quibuscumque allegationibus, seu subterfugiis non obstantibus, ad executionem nihilominus subhaestationis, & deliberationis, & aliorum praemissorum supra dictarum Civitatum, Terrarum, Castrorum, & locorum deveniri omnino debeat, illaque robur perpetuae firmitatis fortiantur, & obtineant.

§.10. Ut autem praemissa omnia, & singula ad favorem omnino creditorum praedictorum statuta, & disposita, statim sine ulla mora, aut aliquo impedimento, executioni demandari possint, omnibus, & quibuscumque investituris, concessionibus, donationibus, fideicommissis, primogeniuris, & alienandi prohibitionibus, necnon pactis de succedendo tam in contractibus, quam in ultimis voluntatibus purificatis, & purificandis super Civitatibus, Terris, Castris, Casalibus, Palatiis, & aliis bonis immobilibus hujusmodi, per quoscumque ascendentes, seu collaterales, ac penitus extraneos, ac forsitan ipsos etiam Romanos Pontifices Praedecessores nostros, etiam Motu proprio, & consistorialiter emanatis, & sub quibusvis clausulis, vinculis, & cautelis, quomodolibet factis, & confirmatis, quorum omnium, & singulorum tenores praesentibus pro expressis haberi volumus, ac etiam regulam nostram de non tollendo jure quaesito, Motu, scientia, & potestate similibus, plenissime, ac latissime derogamus, ac derogatum esse volumus.

§.11. Quod si forsitan iidem Principes, Duces, Marchiones, Barones, & Domicelli, aliqua alia bona stabilia nulli investiturae, concessionis, donationi, fideicommissis, primogeniturae, vel alienandi prohibitioni, aut pacto de succedendo, aliique praedictis subiecta, vel alias immunita, & exemptra, & libera quoquo modo possederint, Nos pari motu, & auctoritate, eadem bona investiturae, concessionis, donationi, fideicommissis, primogeniturae, prohibitioni, & pacto praedictis in locum bonorum venditorum praedictorum, in omnibus, & per omnia subiciamus, substituiamus, & subrogamus, & per eandem Congregationem, sequuta venditione praedicta, substitui, & subrogari debere decernimus, & mandamus.

Fideicommissa &c. haec non impediunt.

Illique plenissime derogatur.

Allaque bona libera Baronum

cellis, aliqua alia bona stabilia nulli investiturae, concessionis, donationi, fideicommissis, primogeniturae, vel alienandi prohibitioni, aut pacto de succedendo, aliique praedictis subiecta, vel alias immunita, & exemptra, & libera quoquo modo possederint, Nos pari motu, & auctoritate, eadem bona investiturae, concessionis, donationi, fideicommissis, primogeniturae, prohibitioni, & pacto praedictis in locum bonorum venditorum praedictorum, in omnibus, & per omnia subiciamus, substituiamus, & subrogamus, & per eandem Congregationem, sequuta venditione praedicta, substitui, & subrogari debere decernimus, & mandamus.

§.12. Declarantes nihilominus Civitates, Castra, & bona, sic ut supra, vendita, & assignata, semper, & quocumque tempore penes illorum emptores, & Camerae praesentem, ac successores eorumdem ab omnibus fideicommissis, primogeniuris, prohibitionibus, pactis, donationibus, nec non nexibus, oneribus, vinculis, hypothecis, obligationibus, ac aliis praedictis, libera, & semper exempta remanere debere, ita ut nullo umquam tempore praetextu praedictorum fideicommissorum, primogeniturarum, prohibitionum, pactorum, donationum, nexuum, onerum, vinculorum, hypothecarum, obligationum, vel successorum tam ex testamento, quam ab intestato, emptores, Camerae, & successores praedicti, molestari, seu inquietari quomodolibet possint, salvo tamen responsionibus, canonibus, censibus, ratione directi domini, seu cujuslibet alterius superioritatis, occasione dictorum bonorum, eidem Camerae debitis.

§.13. Ceterum volumus, & eidem Congregationi pariter mandamus, ut si ex pretio bonorum vigore praesentium vendendorum, aliquid solutis debitis supererit, id quod supererit, si bona vendita alicui fideicommissis, prohibitioni, vel alteri quocumque oneri, seu vinculo subiecta esse constituerit, in aliorum bonorum stabiliu, vel locorum Montium non vacabilium, quae eidem fideicommissis, prohibitioni, oneri, & vinculo in locum bonorum venditorum omnino subiaceant, converti curent, & faciant, eorumque fructus singulis annis in aliorum similium bonorum, vel locorum montium emptionem investiri debere declarent, & cum effectu investiri faciant, donec ad valorem, & summam bonorum venditorum ascenderit, quae pariter omnia fideicommissis, prohibitioni, oneri, ac vinculo hujusmodi, in omnibus, & per omnia, prout bona vendita hujusmodi antea erant, subiecta existant. Si vero bona eadem vendita nulli fideicommissis, prohibitioni, seu oneri, & vinculo obnoxia fuerint, Congregatio ipsa partem, quae supererit ex pretio hujusmodi, solutis debitis, ut praefertur, ipsis Principibus, Ducibus, Marchionibus, Baronibus, & Domicellis, solvi, & consignari faciant.

§.14. Civitates vero Terras, Castra, & loca

dictis fideicommissis supposita censentur.

Clausula subacta.

Si de pretio quid supererit, investiantur ut hic.

Castra per Camerae licet